

Le dotur Eduard Agreiter é demez l'atra edema dai 9 ai 13 de setëmber y vëgn sostitui dala doturia Grete Mahlkecht 349 06 67 034.

Racoïüda dl refodam da tosser a San Martin dan le magazin di Stödafüch la jöbia, ai 12 de setëmber, dales 9.00 ales 10.00

Aldiënza dla defensuria zivica le vëndres, ai 13 de setëmber, dales 14.00 ales 17.00 tl salf di Stödafüch a San Martin.

PLOANIES DA SAN MARTIN Y LUNGIARÜ

La Uniun dles Êres Catoliches de nosc decanat inviëia düc i geniturs che á n pice möt o na picia möta da batié, pers che aspeta, toc y totes de nosc decanat ala preparaziun dl Bato, la sabeda, ai 14 de setëmber dales 15.00 - 17.00 a La Val tl salf dles manifestaziuns. Deboriada orunse aprofondí l'importanza de chësc sacramënt, presenté le ritus y splighé i simboi dl Bato. Präibel se prenoté pro Lucia al nr 334 32 00 396.

1 de setëmber - De dla Creaziun



"Laudato si" - Enciclica de papa Francësch che baia dl "fistide por la ciasa ch'i un deboriada". Canche papa Francësch á scrit l'enciclica "Laudato si", ch'al á dé fora ai 18 de jügn 2015, ti dënze ala chestiun de nosta responsabilité por la creaziun ciamó pücia importanza. Incö ne n'era nia plü insciö, y impó restel ciamó tröp da fá. I messun tigní cunt dla sconanza dl clima pro döt ci ch'i fajun.

Dal punt de odüda cristian ne bastel nia ma da arbassé la produziun dl gas CO²; a funz de nosc sforz cristian ól ester na mentalité caraterisada dala fede, che é chëra da odëi la creaziun sciöche na scincunda y sciöche n compit. La reconescënza y la ligrëza por la creaziun de Dî descëda la forza da conscidré la creaziun sciöche urt de Dî. Nosc fistide por la creaziun dess ester chël de n ortolan che ciara de so urt y nia ma de odëi le prigo de de gran catastrofes.

Tl'enciclica nen vára dl mudamënt dl clima, dla diversité dles sorts, dl'ega da bëre. Le papa ti baia ados a döta la jënt de buna orenté y spliga che la converjiun ecologica ghira ince la iustizia sozuala.

Al ne pó nia ester che n valgügn sfrutëia, consumëia y desdrüj tres deplü la tera, deperpo che d'atri ne n'á nia la poscibilité da vire aladô de süa dignité umana. Al depënn da vignun de nos. Vignun pó porté pro so contribut por la sconanza dla natöra y por deplü iustizia sozuala. Ince sce so contribut é pice, fejel fora adöm cun le contribut de düc i atri impó dër tröp.



unitepastorala.org

Plata dles Ploanies San Martin y Lungiarü



ploan siur Klaus Sottsas 344 15 54 055 - klsottsas@rolmail.net
redaziun: anton.gasser@rolmail.net - 348 27 44 517 / 0474 523 194

01.09 - 08.09.24 n. 40

termo por comunicaziuns: jöbia, dales 20.00

22^a DOMËNIA IA POR L'ANN B

Vangele do san Merch 7, 1-8.14-15.21-23

..... I farisês y i studià dla lege l'á porchël damanè: Ciodî ne se tëgn pa nia tü discepui ala tradiziun di vedli, mo mangia so pan cun mans impures?
Al ti à respognü: Le profet Isaia â rajun cun ci ch'al à dit porsura os falzuns:
Chësc popul me onorëia cun i slefsmo so cör é dalunc da mè.
Al n'é por nia sciöch' ai me onorëia;
ai insëgna dotrines che é statué de jënt.
Os trascurëis le comandamënt de Dî y ves tignis ales tradiziuns dla jënt.
Spo àl indô cherdè la jënt da d'ël y à dit:
Ascutédeme düc y capide ci ch'i ves diji:
Nia ci che röia da defora ite tl chestian ne sciafia da le fá impur, mo ci che vëgn fora dl chestian, chël le fej impur.



Nia les mans nia lavades n'é le problem, mo i pinsiers nia controlá, le sotissura tl cör. Nia ci che vëgn da defora, mo ci che vëgn da daite.

Le mal pëia ia dal cör, al fej dailó raisc y crësc y fej süa vita.

Mo ince la pesc, la reconziliaziun mët man dailó.

Dailó, bel jödapé, mëssel gní metü les verdes por che le bëgn pois sozede y i conflic ne sciafies nia da se svilupé.

Gejú mët a löm na verité ch'i conesciun da nostes esperiënzes.

Na parora che nes sciampa, deach'i sun gnüs ofenüs te nosta superbia, é buna da impié n fuch che se desleria fora tres deplü.

Trëi parores ti á le cardinal Schönborn metü n iade a cör a sü ascutadus, che pó ester les dërtes verdes por n bun vire deboriada:

Chëstes é: präibel - dilan - pardona.

Te Deum

EDEMA - B	SAN MARTIN	LUNGIARÜ	L'AGNO CUSTODE Le iesuit pater Johann Schwingshackl á publiché l'ann 1883 n pice liber sura i agnui custodi. Da pié ia scriel che la Sacra Scritöra baia gonot y te na manira daldöt logica di agnui. La fidënza che Chël Bel Dî nes acompagnëia fora por i alc y basc dla vita é na fundamënta de nosta fede cristiana. Che Idî nes mët dlungia n compagn dl cil che nes condüj sciöche n mënacrëp fora por düc i prighi cina al travert, corespogn ala esperiënza ch'i fajun dla vijinanza de Dî che ciara de nos. Por pater Schwingshackl é i agnui custodi n sëgn dla potënza, dla sapiënza y dla bunté de Dî. Èl é sigü ch'al é agnui custodi che nes acompagnëia, che nes condüj y ciara de nos, ch'ai nes stá dlungia tla oraziun, tles tentaziuns y tles tribulaziuns, canch'i rovun te difficultés y ch'ai fej döt ci ch'ai sciafia por nes condüje indô sön le dër tru. Ai nes stá dlungia ince tl'ora de nosta mort, nes acompagnëia sön nosc ultimo iade ia dan dal aspet de Dî, ai é nüsc interzessurs tl iudize y nes tol ite cun ligrëza tla comunité dl cil. Le liber dl pater iesuit stluj jö cun l'invit da se recordé tl vita da vigni dé de nosc agno custode, da s'afidé a d'el y da l'onoré. <i>dal Sonntagsblatt</i>
01.09.24 22ª DOMËNIA ia por l'ann B <i>De dla Creaziun</i> Domënia di Agnui Custodi	<i>degöna corona dan mëssa</i> 10.00 Gran Mëssa por i jogn y les jones <i>(al cianta le cor di mituns y dles mitans)</i> en onú di arcagnui Michil, Gabriel y Rafael de rengr. families German y Sepl Frenner	7.50 Corona <i>(don Marco)</i> 8.15 Gran Mëssa por la comunité y benedisciun dl tēmp por la fam. de Carlo Castlunger + Albert Daverda + Isidoro Clara, Toch	
02.09.24 Lönesc <i>Ingrid, Zeno</i>			
03.09.24 Dedolönesc <i>Gregöre le Gran, Sofia</i>	8.00 Mëssa por benefaturs y jënt dla Ciasa de Palsa	19.30 Corona tla capela de S. Ojöp Fr.	
04.09.24 Dedemesaledema <i>Irmgard, Ida, Iris, Rosalia</i>		7.30 Mëssa + Sepl Clara, Sanví	
05.09.24 Jöbia <i>Teresa da Calcuta, Rosvita</i>	8.00 Mëssa de scomenciamënt dl ann de scora <i>(don Marco)</i> en onú dl Spirit Sant	10.00 Mëssa de scomenciamënt dl ann de scora <i>(don Marco)</i> + Iarone Rungger	
06.09.24 Pröm vëndres <i>Zacaria, Consolata</i>	18.30 Adoraziun chîta 19.00 Mëssa + Erna Frenner + siur Heinrich Videsott	7.00 Adoraziun 7.30 Mëssa + Daniele Pezzei, Ghestan	
07.09.24 Sabeda <i>Iudita, Otto, Regina</i>	18.30 Mëssa prefestia vis y def. fam. Videsott, Cir + Franz Planatscher + + Cristina (dl ann) y Franz Conrater		
08.09.24 23ª DOMËNIA ia por l'ann B	9.30 Corona por vocaziuns 10.00 Gran Mëssa por la Comunité + Agostin Clement, dl ann + Giovanni Unterweger + Eusebio Nagler, dl ann	7.50 Corona <i>(don Marco)</i> 8.15 Gran Mëssa por la comunité y benedisciun dl tēmp por la fam. Reinhold Sorà de rengraziamënt dl ann + Emilia Mischi + + Fonjo y Caterina Castlunger	